

इवनिंग डोगरी न्यूज़ बुलेटिन

समे .18:15 Hrs

<><><><><><>

Headlines

1. प्रधानमंत्री नरेन्द्र मोदी होरें आखेआ ऐ जे समुंदरें सरबन्धी अर्थबवस्था, भारत दे विकास दा केन्द्र बिंदु ऐ ते एहू समृद्धि, टिकाउपन ते राश्ट्र दी शक्ति गी किट्टे जोड़दी ऐ।
2. लेफ्टिनेंट गवर्नर मनोज सिन्हा होरें हिंदी पखवाड़े दे मौके उप्पर एनआईटी श्रीनगर च इक राश्ट्री सेमीनार गी संबोधित कीता। उनें आखेआ जे भारत दी भाशाई बन्न-सबन्नता, भारत दी उत्कृष्टता दी प्रतीक ऐ।
3. केन्द्री कृषि मंत्री शिवराज सिंह चौहान होरें आखेआ ऐ जे प्रधानमंत्री हुं'दे मार्गदर्शन हेठ केन्द्र ते जम्मू-कश्मीर सरकार, हाड़ें दी मारै हेठ आए दे करसानें गी इस बिपदा चा बाहर कडुडन।
4. मुखमंत्री ओमर अब्दुल्ला होरें उद्योग ते बपार मैह्कमे दी इक लाई गेदी जायजा बैठक दी प्रधानता कीती।
5. जम्मू-श्रीनगर राश्ट्री जरनैली सिड़क बंद होने दे चलदे प्रभावत होए दे जात्तरिएं दी सुविधा लेई रेलवे आसेआ बडगाम थमां कटरा लेई बशेश रेल सेवा रम्भी गेई ऐ।

<><><><><><>

PM blue Economy

प्रधानमंत्री नरेन्द्र मोदी होरें आखेआ जे ब्लू इकानमी यानि समुंद्री अर्थ बवस्था, भारत दे विकास दा केन्द्रबिंदु ऐ जेडा समृद्धि, टिकाउपन ते राश्ट्री शक्ति गी किट्टे जोड़दा ऐ। केन्द्री मंत्री जितेंद्र सिंह हुं'दे आसेआ सोशल मीडिया पर इक लेख उप्पर प्रतिक्रिया दिंदे होई मोदी होरें आखेआ जे सागरमाला, डीप ओशन मिशन ते हरित सागर दिशा-निर्देश ज्नेही पैहलकदमियां समुंद्री संसाधनं दा उचित इस्तेमाल करदे होई समुदायें गी सशक्त बनांदियां न। नवाचार गी बढावा दिंदियां न ते वैश्विक महासागर प्रशासन च भारत दे नेतृत्व गी मजबूत करदियां न।

<><><><><><>

LG-Hindi Pakhwada

हिंदी पखवाड़े दे मौके पर लेफ्टिनेंट गनर्वर मनोज सिन्हा होरें अज्ज राश्ट्री प्रौद्योगिकी संस्थान श्रीनगर च आयोजित इक ध्याड़े दे राश्ट्री सेमीनार गी संबोधित कीता। इस मौके पर बोलदे होई एल.जी होरें आखेआ जे बक्ख-बक्ख संस्कृति ते विचारें दी बन-सबन्नता दे बावजूद अस सब इक्क ते संगठित आं। उनें आखेआ जे असें सब्बनें गी इक्के लक्ष्य ते राश्ट्र निर्माण लेई इक्के भावना कन्नै अगगे बदना होग। स्हाढा एह जत्त होना लाइचदा ऐ जे हिंदी भाशा गी कन्नै रखदे होई बक्ख-बक्ख भाशाएं कन्नै जुडे दे लोकें आपस च जोड़चै। उनें अगगे आखेआ जे एह भाशाएं ते बोलियां स्हाड़े समाज दी बन-सबन्नता, सगोसार संस्कृति ते राश्ट्री एकता गी दर्शादियां न। इस मौके पर बोलदे होई एल.जी होरें आखेआ।

<><><><><><>

Shivraj-Jammu Visit

राई-बाई सरबंधी केन्द्री मंत्री शिवराज सिंह चौहान होरें जम्मू जिले च बन्ने आहले इलाके रणवीर सिंह पुरा च पिच्छले दिनें हाड़ें दी मारै हेठ आए दे खेत्तरें दा अज्ज दौरा लाया। इस मौके पर उ'नें प्रभावत करसानें गी जकीन दोआया जे प्रधानमंत्री नरेन्द्र मोदी हुं'दे निर्देशें पर केन्द्र ते राज्य सरकारां, उं'दी रोजी-रूटी दे जरिये फही ब्हाल करने ते उ'नेंगी इस औक्खी घड़ी चा बाह् कडुने लेई सब्बे लोड़चदी गैहीं पुट्टा करदि'आं न। आकाशवाणी दे जम्मू संवाददाता दी रिपोर्ट मूजब, केन्द्री मंत्री होरें आर.एस. पुरा दे बड़ेयाल ब्राह्मणा इलाके च करसानें गी गलाया जे उं'दी पीड़, सरकार दी पीड़ ऐ ते उं'दे दुक्ख-दर्द गी सरकार खरी चाल्ली समझदी ऐ। चौहान होरें इस मौके पर केई सारे इलाकें दा निरीक्षण करियै करसानें कन्नै मलाटी कीती।

<><><><><><>

Seva Parv-BBBP

सेवा ते सुशासन दे मन्तर थमां प्रेरित भारत सरकार, प्रधानमंत्री नरेन्द्र मोदी हुं'दे नेतृत्व तैहत देसै च सकारात्मक बदलाव ते तरक्की लेई अनथक जतन करा'रदी ऐ। अज्ज सेवा पर्व दी इस खास श्रृंखला च अस तुसें'गी दस्सगे जे किस चालली मोदी सरकारै, बेटी बचाओ बेटी पढ़ाओ अभियान दे राहें हर इक बच्ची लेई मान-सम्मान, राक्खी हिफाजत ते शिक्षा जकीनी बनाने दा कम्म कीता ऐ। हरियाणा दे पानीपत दी धरती थमां 22 जनवरी 2015 गी प्रधानमंत्री नरेन्द्र मोदी होरें धीएं दे सम्मान च बेटी बचाओ बेटी पढ़ाओ अभियान दी शुरुआत कीती ही। राश्ट्र दे भविष्य लेई बड़ी महत्वपूर्ण इस योजना दा लक्ष्य ऐ धीएं गी सम्मान दोआना ते उ'नेंगी पढ़ाई-लखाई दे मौके उपलब्ध करोआना। इस योजना दे राहें गर्भ च बच्चिएं दी हत्तेआ रोकने च कामयाबी हासल कीती गेई ऐ। बेटी बचाओ बेटी पढ़ाओ अभियान दी इक दहाके दी जात्तरा दी सफल कहानी ऐ जे शिशु लिंग अनुपात च होआ'रदी कमी गी रोकना ते महिला सशक्तिकरण कन्नै जुडे दे मुद्दे दा समाधान। इस योजना राएं बालिकाएं गी पढ़ाई ते खेड्डें दे कन्नो-कन्नी कौशल विकास च बी

मदाद दिती जा'रदी ऐ। हिमाचल प्रदेश दे बिलासपुर जिले दी जागृति धीमान गी बी इस योजना दा लाह मिलेआ ऐ, ओह इस बारै आखदि'यां ना।

<><><><><><>

Prog. Announcement

आकाशवाणी जम्मू दा क्षेत्रीय समाचार एकांश मुख भरै च मनाए जा'रदे सेवा पर्व-2025 दे सरबंधै च कुल 8 कार्यक्रमें दी बशेश श्रृंखला प्रसारत करा'रदा ऐ जेहदे तैहत कल 30एं मिनटें दा इक कार्यक्रम पेश कीता जाहग जेहदा विशे ऐ “खेड्डां” जम्मू-कश्मीर दी नमीं पंछान”। एहू विशेष प्रसारण कल शनिवारें 20 सितम्बर गी दपैह्नी 12:30 बजे कीता जाहग। एहदे च साढ़ियां खास परौहिनयां होइन श्रीमति अनुराधा गुप्ता, जेड़ियां जम्मू-कश्मीर दे युवा सेवाएं ते खेड्डें सरबन्धी विभाग दियां महानिदेशक ना। इस कार्यक्रम दा संचालन करइन साढ़े न्यूज़ एंकर आलम खान ते विजय बजाज। इस परिचर्चा गी तुस मिडियम बैव 303 मीटर यानि 990 किलोहर्ट्स ते एफएम 100.3 मैगाहर्ट्स उप्पर बी सुनी सकदे ओ।

<><><><><><>

ते हुन बाकि दिएं खबरें कन्नैअभिलाषा शर्मा।

CM-I&C Review

मुख्यमंत्री ओमर अब्दुल्ला होरें अज्ज उद्योग ते बपार मैह्कमे दी इक जायजा बैठक दी प्रधानता कीती। इस मौके पर बक्ख-बक्ख महत्वपूर्ण मामलें जि'आं रोजगार पैदा करने, एमएसएमई गी सैहयोग देने, स्टार्टअप्स, कारीगरें दे कल्याण ते औद्योगिक रास-पूंजी बारै चर्चा कीती गेई। ध्यानजोग ऐ जे मैह्कमे गी ब'रे 2025-26 च 4 ज्हार करोड़ रुपें शा मते दी रास-पूंजी हासल होई ऐ ते एहदे कन्नै 1 ज्हार 127 स्टार्टअप्स जुडे न ते इन्ने 4 लक्ख 39 ज्हार कारीगरें गी मदाद ते समर्थन बी दिता ऐ। मुख्यमंत्री होरें औद्योगिक एस्टेटें गी बेल्ले सिर सबूरा करने दी जरूरत पर जोर पाया तांजे इ'दा लाहू योग्य नौजवानें, कारीगरें ते उद्यम-कारखानादारें गी पक्क गै हासल होए।

<><><><><><>

CSIR-Awards

CSIR-IIIM दे टैक्नॉलोजी Business Incubator गी नमीं दिल्ली च आयोजित चौथे भारत उद्यमिता सम्मेलन च “Bharat Incubator अवार्ड-2025” कन्नै सम्मानित कीता गया। एह सम्मान उनें Incubator गी दिता जंदा ऐ जेडे इस क्षेत्र च टकोदा कम्म करा रदे ना। एहू सम्मान राष्ट्रीय स्तह दा सम्मान ऐ। जम्मू-कश्मीर च नवाचार गी बढ़ावा देने, स्टार्ट-अप गी समर्थन देने ते उद्यमिता

गी बढावा देने लेई एह सम्मान दिता गया ऐ। इस सम्मान कन्नै जम्मू-कश्मीर च बददे स्टार्ट-अप सरबन्धी सरिस्ते ते होर इदारे जेडे नमिये काहडे गी बढावा देया रदे न ते ओह लोक जेडे खिते च आर्थिक विकास गी बढावा देने लेई लगगे दे न उन्दे जत्ते दा पता लगगदा ऐ। इस बारै होर जानकारी दिंदे होई सी.एस.आई.आर-ट्रिपल आई.एम दे डायरेक्टर डॉ. जबीर अहमद होरे आखेआ।

<><><><><><>

Navratra-Arrangements

श्री माता वैश्वो देवी श्राइन बोर्ड दे मुख् कार्यकारी अधिकारी सचिन कुमार वैश्य होरे अज्ज आखेआ ऐ जे औंदे नराते दे पर्व दरान माता वैश्वो देवी जी दी जात्तरा गी बवस्थित ढंगै सिर करोआने लेई सबै लोडचदे बंदोबस्त कीते जा'रदे न। उ'ने दस्सेआ जे श्रद्धालुएं दी सुविधा, भीड़ दे प्रबंधन, साफ-सफाई, श्रद्धालुएं दे रौहने-बौहने, सुरक्षा ते सेहत दिक्खभाल लेई हीले गी मुक्कदा रूप देई दित्ता गेआ ऐ ते एहदे च जिला प्रशासन ते सरबन्धत एजेसिएं दा सैहयोग बी लैता गेआ ऐ। मुख् कार्यकारी अधिकारी होरे इब्बी गलाया जे श्रद्धालु बिजन कुसै दिक्कत-परेशानी दे दर्शन करी सकन, इस बक्खी चेचा ध्यान दित्ता जा'रदा ऐ। उ'ने इब्बी गलाया जे बिजली ते पानी दी निविघ्न सप्लाई लेई बी लोडचदी गैहीं पुटियां गेइयां न। इस सरबन्धे च मीडिया गी होर जानकारी दिंदे होई श्री माता वैश्वो देवी श्राइन बोर्ड दे मुख् कार्यकारी अधिकारी सचिन कुमार वैश्य होरे आखेआ

<><><><><><>

News Read By : Vijay Bajaj and Abhilasha Sharma

Composed by : Varinder Sharma

Editor : Kunal Shrivatsa
